

---

# Köönt de Privaten dat all beter?

**IN D' LUUR**

**Karin Böhmer**

redaktion@on-online.de



---

Beamten un Amels freten uns up, word d'r in Oostfreesland seggt. Man is dat so? Köönt de Privaten dat all beter? Dat heet alltied, dat se mit all Dingen fixer un minner düür sünd. Stimmt faken. Man is de Bahn beter worden, sietdem se en Unnernehmen is? De Post? Un de Telefonerderee? De Stroompries? Nich so recht. Jahrteihnten hett kieneen up't platte Land Glasfaserkabeln in d' Grund kregen. Nu hett een van't Amt 'n Updrag - un tomaal kabeln de annern d'r man so achteran. De Weddbewarv deit d'r wat an. De Gemeenten versöken dat ok, mit gGmbHs un wat nich all. Südbrookmerland is nu so wiet, dat dat School-Lock vielleicht mit en privaten School stoppt worden sall. Goden Idee! Geiht dat nich ok mit Kinnergaarns? Een gifft dat daar ja al.

---